

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» մարտի 2014թ.

N ____ - Ա

ՈՐՈՇՈՒՄ

**ԳՈՒՅՔԵՐԻ ՓՈԽԱՆԱԿՈՒԹՅԱՆԸ
ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

Հայաստանի Հանրապետության քաղաքացիական օրենսգրքի 33-րդ գլխին և «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 18-րդ կետին համապատասխան՝

Երևան քաղաքի ավագանին որոշում է.

1. Երևան համայնքի սեփականությունը հանդիսացող Նալբանդյան փողոցի հ.49/5 հասցեում գտնվող գույքը (133.5քմ մակերեսով հողամաս և 99.6քմ մակերեսով շինություն) փոխանակել Ֆեդյա Մամբրեի Թևանյանի սեփականությունը հանդիսացող Նալբանդյան փողոցի հ.49/3 հասցեում գտնվող գույքի հետ (124.0քմ մակերեսով հողամաս և 111.39քմ մակերեսով շինություն):

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

<< ԳՈՒՅՔԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ >> ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Քաղաքացի Ֆեդյա Մամբրեի Թևանյանը դիմել է Երևանի քաղաքապետարան, սեփականության իրավունքով իրեն պատկանող (անշարժ գույքի նկատմամբ իրավունքների պետական գրանցման 24.02.2014թ. հ.24022014-01-0224 վկայական) Նալբանդյան փողոցի հ.49/3 հասցեում գտնվող գույքը (124.0քմ մակերեսով հողամաս և 111.39քմ մակերեսով շինություն), կից Երևան համայնքի սեփականություն հանդիսացող (անշարժ գույքի նկատմամբ իրավունքների պետական գրանցման 15.03.2013թ. հ.15052013-01-2205 վկայական) Նալբանդյան փողոցի հ.49/5 հասցեում գտնվող գույքի հետ (133.5քմ մակերեսով հողամաս և 99.6քմ մակերեսով շինություն) փոխանակելու առաջարկով:

Համայնքային սեփականություն հանդիսացող վերոգրյալ շինությունում տեղակայված է <<Կոմիտասի անվան կամերային երաժշտության տուն>> ՊՈԱԿ-ի ջեռուցումը ապահովվող կաթսայատան սարքավորումները:

Քաղաքացի Ֆեդյա Մամբրեի Թևանյանը իր առաջարկում նշել է, որ փոխանակման համար առաջարկվող շինությունը իր դիրքով ավելի մոտ է <<Կոմիտասի անվան կամերային երաժշտության տուն>> ՊՈԱԿ-ին և հայտնել է իր պատրաստակամությունը իր միջոցների հաշվին տեղափոխելու կաթսայատան սարքավորումները Երևան համայնքին փոխանցվող գույքի մեջ՝ ապահովելով վերագործարկումը և շահագործման հանձնումը, ինչպես նաև համայնքին փոխանցվող կաթսայատան վերանորոգումը:

Քաղաքացի Ֆեդյա Մամբրեի Թևանյանը պարտավորվել է նաև փոխանակման արդյունքում հրաժարվելու փոխանակվող գույքերի գնահատված շուկայական արժեքի տարբերությունից, ինչպես նաև իր միջոցների հաշվին կատարելու հարակից հատվածների բարեկարգման աշխատանքները:

Բարձրացված հարցը ուսումնասիրվել է և կատարվել է անշարժ գույքի շուկայական արժեքի գնահատման աշխատանքներ, որից հետևում է, որ Նալբանդյան փողոցի հ.49/3 հասցեում քաղաքացի Ֆեդյա Մամբրեի Թևանյանին սեփականության իրավունքով պատկանող գույքի շուկայական արժեքը կազմում է 26 200 000 ՀՀ դրամ, իսկ հարևանությամբ Նալբանդյան փողոցի հ.49/5 հասցեում գտնվող Երևան համայնքի սեփականություն հանդիսացող գույքի շուկայական արժեքը կազմում է 25 200 000 ՀՀ դրամ: Փաստորեն, քաղաքացի Ֆեդյա Մամբրեի

Թևանյանին սեփականության իրավունքով պատկանող գույքի շուկայական արժեքը 1000000 ՀՀ դրամով ավել է Երևան համայնքի սեփականություն հանդիսացող քննարկվող գույքի արժեքից:

Երևանի քաղաքապետարանի կողմից 2013 թվականի ընթացքում քննարկվող գույքը ներկայացված է եղել աճուրդի, սակայն գույքը ձեռք բերելու նպատակով համապատասխան հայտեր չլինելու պատճառով այն չի օտարվել:

Ելնելով վերոգրյալից և հաշվի առնելով այն հանգամանքը, որ գույքային միավորների փոխանակման արդյունքում Երևան համայնքին է անցնում ավելի մեծ շուկայական արժեք ունեցող գույք, որը քաղաքացի Ֆեդյա Մամբրեի Թևանյանը պարտավորվում է իր միջոցների հաշվին վերանորոգել և կատարել հարակից հատվածների բարեկարգման աշխատանքներ, ինչը տվյալ տարածքում կստեղծի քաղաքաշինական առումով ավելի կանոնակարգված և բարեկարգված հատված, ապա նպատակահարմար է գտնվել նախապատրաստելու Երևան քաղաքի ավագանու որոշման նախագիծ:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԳՈՒՅՔԵՐԻ ՓՈԽԱՆԱԿՈՒԹՅԱՆԸ
ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Գույքերի փոխանակությանը համաձայնություն տալու մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԳՈՒՅՔԵՐԻ ՓՈԽԱՆԱԿՈՒԹՅԱՆԸ
ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Գույքերի փոխանակությանը համաձայնություն տալու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չի առաջանում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ